

Na osnovu člana 16. stav 2. Zakona o Vladi Zeničko-dobojskog kantona- Prečišćeni tekst („Službene novine Zeničko-dobojskog kantona“, broj: 7/10 i 3/23), člana 43. stav (6) i člana 52. stav (1) Zakona o izvršavanju Budžeta Zeničko-dobojskog kantona za 2025. godinu, („Službene novine Zeničko-dobojskog kantona“, broj: 25/24), te Odluke Vlade Zeničko-dobojskog kantona o preraspodjeli sredstava u Budžetu Zeničko-dobojskog kantona za 2025.godinu, broj: 02-11-2760/25 od 14.02.2025.godine, na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 72. sjednici, održanoj dana 14.03.2025. godine, donosi

O D L U K U

o usvajanju Programa utroška budžetskih sredstava za 2025. godinu „Kapitalni transferi drugim nivoima vlasti“- Izvor 10

Član 1.

(Predmet)

Usvaja se Program utroška budžetskih sredstava za 2025. godinu „Kapitalni transferi drugim nivoima vlasti“-Izvor 10, u razdjelu 23, budžetska organizacija 01, potrošačka jedinica 0001, Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24), ekonomski kod 615100 NAD409, pozicija „Kapitalni transferi drugim nivoima vlasti“- Izvor 10 u iznosu 200.000,00 KM (slovima: dvijestotinehiljada konvertibilnih maraka), koji čini sastavni dio ove odluke.

Član 2.

(Način realizacije)

Sredstva planirana ovim Programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Kantona u prethodnom mjesecu, planovima novčanih tokova Budžeta Zeničko-dobojskog kantona te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

Član 3.

(Realizacija Odluke)

Za realizaciju ove odluke zadužuju se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objaviti će se u „Službenim novinama Zeničko-dobojskog kantona“.

Broj: 02-11-4958/25

Datum, 14.03.2025. godine

Zenica

PREMIJER

Nezir Pivić

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x „Službene novine Zeničko-dobojskog kantona“,

1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON**

**MINISTARSTVO ZA POLJOPRIVREDU,
ŠUMARSTVO I VODOPRIVREDU**



**PROGRAM UTROŠKA BUDŽETSKIH SREDSTAVA
(„Kapitalni transferi drugim nivoima vlasti“ -Izvor 10)**

Zenica, mart 2025. godine

I NAZIV PROGRAMA

Program utroška budžetskih sredstava za 2025. godinu, „Kapitalni transferi drugim nivoima vlasti“-Izvor 10, u razdjelu 23. budžetska organizacija 01, potrošačka jedinica 0001 Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24), ekonomski kod 615100, NAD409, pozicija „Kapitalni transferi drugim nivoima vlasti“-Izvor 10. opredijeljena su sredstva u iznosu od 200.000,00 KM (slovima: dvijestotinehiljada konvertibilnih maraka).

II ZAKONSKI OSNOV ZA PROGRAM

Članom 43. stav (6) Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24), propisano je da će se sredstva utvrđena u razdjelu 23, budžetska organizacija 01, potrošačka jedinica 0001, pozicija „Kapitalni transferi drugim nivoima vlasti“, koristiti prema programu utroška koje donosi Vlada Kantona, a u članu 52. stav (1) je utvrđeno da Budžetski korisnici predlažu Vladi Kantona program utroška sredstava iz člana 43. uz prijedlog odluke kojom se usvaja program. .

III SVRHA PROGRAMA I VISINA SREDSTAVA

Svrha Programa je korištenje finansijskih sredstava odobrenih Budžetom Zeničko-dobojskog kantona za 2025. godinu, („Službene novine Zeničko-dobojskog kantona“, broj: 25/24) i Odlukom Vlade Zeničko-dobojskog kantona o preraspodjeli sredstava u Budžetu za 2025. godinu, broj: 02-11-2760/25 od 14.02.2025. godine, između budžetskih korisnika Ministarstva finansija i Ministarstva za poljoprivredu, šumarstvo i vodoprivredu Zeničko-dobojskog kantona, u razdjelu 23, budžetska organizacija 01, potrošačka jedinica 0001, ekonomski kod 615100 NAD409, pozicija „Kapitalni transferi drugim nivoima vlasti“-Izvor 10, u iznosu **200.000,00 KM** (slovima: dvijestotinehiljada konvertibilnih maraka).

Ovaj program usaglašen je sa Strategijom razvoja Zeničko-dobojskog kantona za period 2021.-2027. godina, te sa nadležnostima Ministarstva za poljoprivredu, šumarstvo i vodoprivredu Zeničko-dobojskog kantona.

IV KRITERIJI ZA RASPODJELU SREDSTAVA

Sredstva planirana Programom utrošiti će se za finansiranje ili sufinansiranje projekata prema Javnom pozivu za dostavljanje aplikacija Jedinica lokalne samouprave (u daljem tekstu: JLS) i to za:

- Finansiranje/sufinansiranje revitalizacije izvorišta vode,
- Izvođenje istražnih radova u cilju povećanja kapaciteta izvorišta vode,
- Izgradnju javnih sportsko-rekreacionih objekata,

Za revitalizaciju izvorišta voda, izvođenje istražnih radova u cilju povećanja kapaciteta izvorišta vode i izgradnju javnih sportsko-rekreacionih objekata uslov za razmatranje projekta je izrađena projektna dokumentacija i izdato odobrenje za građenje.

Kriteriji odabira kandidovanih projekata, definirani korištenjem Smjernica o minimalnim standardima dodjele budžetskih sredstava putem transfera i subvencija („Službene novine Federacije BiH“, broj: 37/24), u mjeri u kojoj je primjenjivo, biće sastavni dio javnog poziva, a to su:

Kriteriji	Max. Bodovi
1. Projekti koji imaju veći stepen vlastitog učešća	60
2. Projekti za koje se očekuju najveći finansijski efekti ostvareni realizacijom	25
3. Projekti čiji rezultati će se nastaviti koristiti od strane krajnjih korisnika	15

Ministarstvo će imenovati komisiju za utvrđivanje i provođenje javnog poziva.

Uslov za razmatranje i odabir je popunjen aplikacioni obrazac, koji će biti sastavni dio Javnog poziva.

Ministarstvo se obavezuje da sa onim JLS čiji projekti budu odobreni zaključiti sporazum, kojim će biti regulisane međusobne obaveze i način realizacije odobrenih sredstava. Rokovi za potpisivanje ugovora o prenosu sredstava postavljeni u sporazumu se moraju ispoštovati.

V IZVORI FINANSIRANJA I NAČIN UTROŠKA SREDSTAVA

Izvori finansijskih sredstava su sredstva odobrena Budžetom Zeničko-dobojskog kantona za 2025. godinu („Službene novine Zeničko-dobojskog kantona“, broj: 24/25) i Odlukom Vlade Zeničko-dobojskog kantona o preraspodjeli sredstava u Budžetu za 2025. godinu, broj: 02-11-2760/25 od 14.02.2025. godine, između budžetskih korisnika: Ministarstva finansija i Ministarstva za poljoprivredu, šumarstvo i vodoprivredu, na ekonomskom kodu 615100 NAD409-„Kapitalni transferi drugim nivoima vlasti“-Izvor 10. Imajući u vidu Ministarstvo za poljoprivredu, šumarstvo i vodoprivredu planiralo je utrošak finansijskih sredstava za finansiranje ili sufinansiranje projekata prema Javnom pozivu za dostavljanje aplikacija Jedinica lokalne samouprave za revitalizaciju izvorišta vode, izvođenje istražnih radova u cilju povećanja kapaciteta izvorišta vode i izgradnju javnih sportsko-rekreacionih objekata, prvenstveno poboljšanje vodosnabdijevanja stanovništva.

U proteklim godinama, Ministarstvo za poljoprivredu, šumarstvo i vodoprivredu je sufinansiralo projekte jedinica lokalne samouprave za izgradnju komunalne infrastrukture, te je stoga Ministarstvo planiralo i ova budžetska sredstva utrošiti za revitalizaciju izvorišta voda, izvođenje istražnih radova u cilju povećanja kapaciteta izvorišta vode i izgradnju javnih sportsko-rekreacionih objekata.

Ministarstvo će raspisati javni poziv za dodjelu sredstava u skladu sa Smjernicama o minimalnim standardima dodjele budžetskih sredstava putem transfera i subvencija („Službene novine Federacije BiH“, broj: 37/24), u mjeri u kojoj je primjenjivo, koji će sadržavati pisane kriterije na osnovu kojih će se izvršiti dodjela sredstava, sve u cilju efikasne, ekonomične i efektivne upotrebe budžetskih sredstava, koji će biti sastavni dio javnog poziva.

Ministarstvo će imenovati komisiju za utvrđivanje i provođenje javnog poziva.

Uslov za razmatranje i odabir je popunjen aplikacioni obrazac koji će biti sastavni dio javnog poziva i isti će obavezno sadržavati procjenu efekata učinka koji se postižu realizacijom istih. Nakon provedenog javnog poziva i zaključenog ugovora o prenosu sredstava JLS bit će dodjeljena sredstva.

U skladu sa Programom potrebno je realizovati projekte za revitalizaciju izvorišta voda, izvođenje istražnih radova u cilju povećanja kapaciteta izvorišta vode i izgradnju javnih sportsko-rekreacionih objekata na području jedinica lokalne samouprave.

VI REKAPITULACIJA

R.br.	Naziv	Planirana sredstva /KM/
1.	Finasiranje/sufinasiranje revitalizacije izvorišta voda, izvođenje istražnih radova u cilju povećanja kapaciteta izvorišta vode i izgradnju javnih sportsko-rekreacionih objekata	200.000,00
UKUPNO		200.000,00

VII NAČIN I ROKOVI IZVJEŠTAVANJA

JLS će Ministarstvu dostaviti izvještaj o namjenskom utrošku dodjeljenih sredstava (narativni i finansijski izvještaj) nakon potpisanog ugovora o namjenskom utrošku sredstava.

O utrošku sredstava po ovom Programu, Ministarstvo za poljoprivredu, šumarstvo i vodoprivredu dužno je polugodišnje i godišnje izvještavati Vladu Zeničko-dobojskog kantona.

Broj: 02-11-4958/25

Datum, 14.03.2025. godine

Zenica

PREMIJER

Nezir Pivić

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x „Službene novine Zeničko-dobojskog kantona“,

1x a/a.